


例案續增 廿一上



		漢書門	
四〇	一	九七九	七二九
冊	架	函	號

庫文閣內		漢書	
三〇	四〇	九七九	七二九
架	冊	號	類

內閣文庫	
番號	漢 9579
冊數	40 (19)
函號	296 98



例案續增新編卷二十一

淺草文庫

錢唐沈如焯既齋編輯

乾隆十一年起

刑律

賊盜下

白書搶奪

夥眾六人中途搶奪

親屬搶奪至滿貫將從已擬杖流改正

黃夜中途搶奪撞傷事主仍照搶奪傷人

海洋夥眾八人搶奪

搶奪傷人不照先後下手及傷之輕重分別首從再駁按擬

黃夜扒搶糧食持刀傷主仍照搶奪問擬

搶案不勘情形議處

寅夜持棍塗面明火毆主搜劫照飢民扒搶問擬
搶奪傷人以主使之入為首分別問擬

夥眾謀搶糧食寅夜入室捆縛事主仍照搶奪問擬
因索討賄銀搬搶財物照搶奪律量減一等

與搶犯同行因被指夥拒傷依刃傷擬徒

海洋兩船其夥十一人寅夜搶奪傷人

海洋兩船各夥六七八人仍問搶奪

竊盜

滿貫竊盜贓犯尚未全獲不得止憑事主失單定擬

棄贓被獲情急拒捕錯擬臨時拒捕

冒捕巡查行竊并鎖打劫騙擬遣

竊賊 赦前犯案免併算

竊賊奔逸追逐拒傷事主逾辜限身死擬絞駁案

失察徒犯行竊兼管官議處

竊賊被事主追逐刃傷事主雖經平復仍擬絞候

赦前犯竊刺字後至三犯將 赦前之案并算

積匪配所逃回行竊拒捕發黑龍江

竊盜拒捕金刃傷人雖傷輕平復仍擬斬候

赦前犯竊不計次數

竊賊拒傷官兵比照臨時拒捕傷而不死擬斬

夥竊拒捕各傷事主均照首犯擬斬候

盜所被擒拒捕未得財未便照追逐拒捕照覆

失察革捕庇賊得規署事未及一月不准援案免議

無贓可護拒殺事主依罪人拒捕殺人問擬

拴弔舊賊送官致令落水淹斃依威力制縛人因而致死律擬絞

因事主追趕用手敲門嚇阻照臨時拒捕不傷人例分別問擬

積匪滑賊聽從疊竊不准減等

竊盜三犯前二次在赦前仍照初犯定擬

積匪滑賊為從量減一等擬徒

嚇拒事主後攜先竊之贓逸去照臨時拒捕科罪

竊賊尚未得財被獲圖脫雖在盜所拒戮亦照追逐拒捕定擬

竊盜追逐拒捕錯擬駁正

竊賊拒捕刃傷事主應擬絞候越獄脫逃不改絞決

誣竊加等坐誣

囑賊誣扳照誣律反告

因罵逞忿藉捕賊名色趕毆致死照誣良問擬

營兵誣拏私拷保外病斃比照捕役誣竊為盜詐逼致死例定擬

隨父誣拏平人為盜並未幫打擬杖

賄囑誣拏致斃人命仍擬充軍

盜馬牛畜產

盜牛宰殺初犯情輕擬徒

親屬相盜

行竊拒捕毆死無服族姪不准照凡盜科斷

卑幼行竊將總麻尊長殺死擬斬候不符

隣人追捕擅殺竊賊兩次部駁改擬

竊剝無服族祖衣服致凍斃斬候

外孫引盜行劫外祖財物照同居親屬例擬斬決聲明情有可原減

等發落

親屬相盜逼勒自盡依殺傷尊長本律

奴婢僱工人強劫家長財物及勾引外人同劫悉照凡人定擬

欺詐官私取財

船戶盜賣客貨不照竊盜科斷

畧人畧賣人

兇拐案內為從傳習買賣藥收骨幫同搖船各犯治罪

姦拐堂弟童養未成婚妻照例擬軍

和誘甥媳應照本律科斷

發塚

同謀掘墳於見棺後先行走散不應照見屍為徒問擬

掘墳但引路不分贓比例減徒

旂人糾夥盜掘墳墓三次以上擬絞立決

總麻尊長盜卑幼浮厝屍棺擬杖

起意掘墳分贓並未同行仍照為首擬絞

燒埋兄屍照燬棄屍等擬流

弟毆死人兄幫剝衣埋屍比照問擬

挖無棺之塚比照發年久穿陷之塚減等治罪

開棺割取屍頭嚇詐比照擬罪

發掘前代妃嬪墳因無碑碣可稽止擬絞候

燒化埋葬不照毀棄死屍律問擬

例案續增新編卷二十一

錢唐沈如焯既齋編輯

刑例

賊盜下

白晝搶奪

夥衆六人中途搶奪

刑部爲喊稟事據浙撫常 咨稱烏程縣漁匪周鬍子卽潘子龍等

搶奪秀水縣民鈕翰如等行舟錢銀等物一案緣乾隆九年七月間

周鬍子貧難度日起意行竊遂令沈麻子轉糾周二徐三卽董文昌

并已故倪麻子卽倪士甫周阿林等共夥六人于七月初四日夜同

坐沈麻子船隻搖駕躡探因是夜風雨甚大無處偷竊初五日至

橫渚塘橋適事主鈕翰如同伊表兄楊士奇赴長邑買猪楊士奇驢

臥中艙鈕翰如搖船至小溪口周鬍子見船載猪筍起意搶奪假以
借火爲由令船搖攏周鬍子先過事主船上揭開中艙沿口之板欄
住楊士奇臥處不能起奪周鬍子將艙內錢文并銀兩衣服搬取令
沈麻子周二接遞過船鈕翰如從後艙趕至將周鬍子拉住周鬍子
急跳過船繫猛船側鈕翰如帶落水中該犯等已駕船遠遁將贓物
俵分而散事主報縣通詳飭緝陸續獲犯到案而周鬍子又乘間脫
逃旋復被獲飭審詳報倪麻子在監病故其起意行竊乘機搶奪分
贓各情已據各該犯供明除夥犯倪麻子病故不議外周鬍子卽潘
子龍合依搶奪人財物爲首律杖一百徒三年應加逃罪二等杖一
百流二千五百里僉妻發遣沈麻子周二周阿林徐三俱合依搶奪
人財物爲從律各杖九十徒二年半均照例刺字漁甲周聖卿應聖
先雖訊非知情故縱但失於查察應照不應重律各杖八十折責發
落革去漁甲差役鄭升水手沈紹祖疎脫周鬍子已於限內拿獲均
照律免議各犯並無同居親屬毋庸議已起之贓給主未起各贓照
律追賠賊船一隻變價入官所有監斃倪麻子職名係前任烏程縣
典史湯鼎和查該典史現告終養回籍但例有處分相應列揭請叅
等因抄招咨達前來據此均應如該撫所擬完結仍照例彙題等因
乾隆十一年正月十四日准咨

親屬搶奪賊至滿貫將從犯錯擬杖流改正

刑部爲仇殺抄劫事據浙撫常·咨稱上虞縣民顧藩宗等毆搶顧
展成家一案顧藩宗顧君爵顧辰祖均係顧展成無服族弟顧彙先
係顧展成無服族兄顧廣元顧起元均係顧展成大功服弟俱同門
居住緣乾隆九年十二月間顧廣元忤逆伊母係顧展成伴送至縣
責懲顧廣元懷恨尋釁未得乾隆十年十二月三十日顧廣元與顧

潘宗謀毆洩忿顧潘宗允從至晚顧廣元同兄顧起元至顧展成家
尋釁抄開顧潘宗執持木槌糾同伊兄顧彙先偕往幫護顧展成同
妻王氏見勢兇猛上樓入房拴門躲避顧廣元取顧展成家柱門木
棍與顧潘宗敲毀窗戶顧起元顧彙先踢開房門進內顧廣元拳毆
王氏太陽并左眼顧潘宗用槌柄毆傷王氏偏右顧起元擒住顧展
成拔落髮辮數莖顧彙先幫同剝衣適燈火打滅顧展成掙脫逃避
王氏逃脫顧廣元卽令顧潘宗顧起元搬搶皮箱等物顧君爵顧辰
祖聞聲往視亦同搬運藏匿顧廣元家而散十一年正月初二日控
縣初三日拘犯起賊顧廣元逃避將顧潘宗等拏獲屢審各犯供明
挾仇毆搶不諱查例云親屬無搶奪之文比依恐嚇科斷恐嚇取財
准竊盜論加一等又期親以下自相恐嚇者卑幼犯尊長以凡人論
加一等尊長犯卑幼依親屬相盜律遞減科斷又律內若有殺傷者

各以殺傷尊長卑幼本律從重論又加罪不加至於死各等語今顧
廣元等謀毆抄搶原非因搶毆估計贓物值銀一百四十八兩零除
爲首之顧廣元脫逃緝獲另結外顧起元顧潘宗毆傷顧展成王氏
輕罪不議外應將顧起元顧潘宗顧君爵顧辰祖俱比依恐嚇取財
者計贓准竊盜論加一等律一百二十兩以上爲從杖一百流三千
里免刺顧彙先係顧展成無服族兄應照尊長犯卑幼減一等杖一
百徒三年免刺各犯到官在乾隆十一年正月初三日

恩旨以前顧起元顧君爵顧辰祖減爲杖一百徒三年定驛擺站顧彙先
減爲杖一百折責四十板先行發落顧潘宗持械行兇糾夥抄搶兇
悍已極雖到官在

恩旨以前不准援減已起之贓給主收領未起各贓照數追賠等因咨達
前來查顧廣元因挾仇尋毆乘勢搬搶大功服兄財物計贓一百二

十兩以上據事主顧展成報呈及各犯供詞係顧廣元挾恨爲首衆口一詞似無遁情但例云親屬無搬搶之文比依恐嚇科斷查恐嚇取財律稱徒竊盜論加一等又例載加罪不加至於死各等語是顧廣元爲首應依恐嚇取財計贓一百二十兩以上罪止杖一百流三千里則顧藩宗等爲從應減爲首一等方爲允協今該撫將顧藩宗等仍照竊盜律爲從擬以滿流似無首從之分且與准字之義並無區別不應如該撫所擬應將爲從之顧藩宗顧起元顧君爵顧辰祖顧彙先各依恐嚇取財爲首流罪律減一等杖一百徒三年仍依律加一等杖一百流三千里顧彙先係顧展成無服族兄再減一等杖一百徒三年該犯等到官在乾隆十一年正月初三日恩旨以前將顧起元顧君爵顧辰祖各減爲杖一百徒三年顧彙先減爲杖一百折責四十板顧藩宗雖執持木槌並非器械但幫同顧廣元

行兇糾夥抄搶殊屬兇悍應如該撫所議不在援減仍照例彙題其脫逃爲首之顧廣元應令該撫嚴飭務獲按律定擬報部可也乾隆十三年正月初四日准咨

夤夜中途搶奪撞傷事主仍照搶奪傷人

刑部咨稱蘇撫安咨稱金匱縣賊犯武元通等搶奪事主梁陸氏船內銀錢一案緣武元通平日操舟捕魚值繼父吳伯親病篤因念殞殮無資矚知吳伯親之母徐氏積有餘錢寄藏伊母梁陸氏船內起意行竊乾隆十一年七月二十七日夜約同隨母改適之胞弟吳四卽武四共夥二人帶妻陸氏弟媳沈氏同播至黃天蕩地方因見梁陸氏與徐氏兩船並泊難以鑽竊武元通同吳四各攜梢棚柱一根下河探水深淺潛至梁陸氏船邊武元通解脫頭纜吳四解開梢纜將船移至兩箭路外窺知陸氏睡臥船頭艙武元通掀板模有貯

放銀錢籬籠等物正將棚柱豎放與圖空手攫賊不料黑暗之中棚住倒下扯傷梁陸氏左眼胞驚醒喊叫執住錢籬不放維時武陸氏等正將已船泊攏吳四驚惶欲遁武元通主令硬奪吳四聽從搶取錢籬武元通復幫搶筒囊銀錢首飾運過已船搖至僻處先將籬筒竹籬丟棄河內俵分各賊而散屢訊供認不諱查律註人少而無兇器搶奪也例云在途截搶雖昏夜仍問搶奪今此案夥犯僅止兄弟二人且未執有兇器而又在途攫賊非同入室取財應照搶奪科斷按事主梁陸氏受傷於未奪之先縱非因搶致扯但該犯等肆搶於已傷之後殊難舍重就輕武元通合依搶奪傷人傷非金刃又經平復者照竊盜拒捕為首者發邊衛充軍例應發邊衛充軍照例刺字僉妻發遣吳四即武四並未傷人合依搶奪為從減一等律杖九十徒二年半仍刺字陸氏隨夫發遣沈氏應毋庸議再該犯等係屬同胞兄弟餘無共居親屬知情分贓已起之賊經主具領未起之賊照例追給其武元通所坐之船訊係暫借應免追起等因抄招咨達前來據此武元通等均應如該署撫所擬完結仍令照例年底彙題可也乾隆十三年四月三十日准咨

海洋夥眾八人搶奪

刑部為報明事據浙撫方 咨稱定海縣通詳賊犯朱大麻子等在洋搶奪船戶楊美先等銀錢衣物一案朱大麻子等俱係江省民人緣胡聖卿向有小沙船一隻領奉賢縣照票交伊子胡漢管駕乾隆十一年十月初九日胡漢與張能徐惠徐相嚴觀福及在逃之董生六人合夥前赴馬蹟山砍柴僱朱大麻子并張引在船撐駕炊煮一共八人在奉邑之二潮港出口駛往馬蹟山砍柴至十八日回棹十九日行至羊山猝遇颶風漂至定邑所轄之魚山停泊二十日食米

殆盡二十一日餓餓難忍申牌時候適見楊美先釣船由魚山經過朱大麻子卽起意搶奪令胡漢等先向乞米若不允給并搶行李各犯允從將船駛上巖觀福用竹篙搭住釣船張引向求米菜不允胡漢張引董生各執木刀首先過船董生以柴刀砍斷釣船篷索徐惠張能隨後空手過船搬搶水桶蝦桶并鋪蓋行李等物胡漢見船內客人沈開宗彎腰在艙手護肚兜知有銀兩卽在沈開宗背後割斷繫帶奪獲肚兜回船徐相在船接賊楊美先船內魚鮓等貨未被盡搶又鋪蓋內棉被一條當經楊美先奪回并給還事主食米斗餘開船放行搶回之米煮飯共食將賊在船依分仍由二渤港進口而散事主報縣業將武職疎防職名報叅在案嗣經將朱大麻子等七犯率獲屢審起意夥搶得財依分並非強劫情由各供如繪朱大麻子除計賊輕罪不議外合依白晝搶奪人財物爲首律杖一百徒三年

至配所折責四十板胡漢張能張引徐惠徐相嚴觀福均應照爲從律杖九十徒二年半至配所折責三十五板俱仍照例刺臂遞回各原籍定驛發配雖事犯在乾隆十四年四月初九日

恩詔以前但該犯等黨夥數人在於海洋肆行搶奪情罪較重似應不准援減胡漢之父胡聖卿雖訊無知情分賊所給船錢亦未收受但不
能約束其子應請照不應重律杖八十折責三十板應請援免其餘
各犯並無同居父兄伯叔與弟知情分賊亦無另搶別案均毋庸議
已起之賊給主收領未起各賊照估追賠匪船一隻變價入官逸犯
董生緝獲另結等因抄照咨達前來據此朱大麻子等應如該撫所
擬完結其逸犯董生應令該撫飭緝務獲另結仍照例彙題可也等
因乾隆十四年九月十三日准咨

搶奪傷人不照先後下手及傷之輕重分別首從駁

刑部爲駁審事會議得潘多等搶奪毆傷事主王瑞粗一案先據陝西巡撫陳 疏稱緣白邑被旱成災潘多等均係冊報饑民乾隆十三年七月十八日潘多潘益稍乘涼互道貧苦適有王瑞粗趕驢投宿見所馱口袋內有饜饜錢物潘多起意搶奪益稍允從潘克保潘麥子先後躡至糾約入夥次日雞鳴時克保執鎌麥子執棍潘多與益稍亦執樹棍行至路邊等候王瑞粗經過克保尾隨瑞粗喝問用鞭向擊克保執鎌回砍王瑞粗胎膊麥子用棍毆其臙肱奪取口袋等物王瑞粗拉住潘多潘多卽棍毆瑞粗胎膊瑞粗釋手各犯奔至空地俵分而散經縣緝拏聞有潘有夏向該犯等查問該犯等卽將情由實告有夏卽轉告捕役拿獲赴縣研訊不諱潘多依搶奪傷人律擬斬克保依爲從例發邊衛充軍益稍麥子照竊盜拒捕爲從例徒三年但該犯等事後告知族人潘有夏潘天豹轉告捕役協拿首

解合依得相容隱之親屬彼此詰發互相告言各縣如罪人自首法無服之親亦得減一等例應於本罪上各減一等等因咨部查犯人遣人代首及親屬爲之首例應減等此案潘多因族姪有夏見伊等有錢心疑盤詰始以情告並無遣其代首情事祇因該縣捕役緝賊到鄉而有夏身充鄉約不得不轉告地方潘天豹帶領捕役協拏更非本犯與有夏等彼此詰發互相告言者可比事關搶奪傷人重案未便寬減駁令妥議去後今據該撫疏稱潘多等旣奉部駁與彼此詰發互相告言不符潘多仍依律擬斬克保等擬軍徒具 題前來查律載搶奪竊盜殺傷之案以下手傷人者爲首有多傷者以致命傷重者爲首今潘多雖係起意搶奪而鎌傷事主致傷胎膊則係克保首先下手隨後益稍麥子各棍毆事主臙肱潘多最後棍傷事主胎膊是論下手之先後因不得以潘多當其重罪而論傷人之輕重

例案續編 卷二十一
亦不得以傷非金刃之潘多懸坐以刃傷擬斬而於例應擬斬之克保反以爲從擬軍也今此案各犯罪名出入生死仍屬錯謬難以率結應令再行按例推詳妥議具題到日再議奉

旨依議乾隆十五年六月邸抄

寅夜扒搶糧食持刀傷主仍照搶奪問擬

刑部爲稟報事據東撫鄂咨稱鉅野縣賊犯郭二等扒搶高績武一案緣已獲在司監病故首賊郭二與已獲不同行線賊王三妮隣庄居住王三妮常至郭二庄上售賣豆腐與郭二素相熟識乾隆十三年冬間郭二與王三妮道及災後乏食各數本庄饒裕之家王三妮因任事主高績武家院後遂言及高績武家積有糧食至十二月二十日郭二路經王三妮門首王三妮讓留吃烟郭二因歲暮難度憶及王三妮之言起意扒搶詢問誰家有糧並指院前瓦屋係何家

王三妮答以前日所言之高績武家並稱東屋內存有豆麥無人看守郭二尚疑滯不決當卽歸家迨二十四日郭二決意扒食因王三妮住居事主院後恐彼認識不便邀其同往卽邀同庄已獲病故賊閆孟資入夥閆孟資允從至晚郭二攜帶刀杆至閆孟資家適閆孟資之壻已獲病故賊譚二踵至郭二並邀同往譚二亦卽允從同夥三人行至中途郭二將刀杆給與譚二等分執更餘時分齊至事主高績武家院邊爬牆而入高績武聽聞犬吠開門看視郭二等畏懼爬牆出外躲避事主見無動靜仍行睡臥郭二等仍爬牆進院高績武聽响開門出看見有數賊在院急行閉門郭二等乘勢將門抗開閆孟資在門外把風郭二入室拉住高績武高績武叫喊郭二刀嚇禁聲索取糧食銀錢未獲隨拉下高績武身上所披之衣服高績武用手拉奪被郭二所持之刀劃傷左手小指郭二仍將衣服給高績

武披上交與譚二架住復令閆孟資打火郭二點上事主之燈搶取衣服等物因見院內有人救應未敢復往東屋扒糧卽與閆孟資同往後院而出譚二在後架拉事主送路閆孟資扒開墻缺而出行有數箭之遠譚二仍將事主身上所披衣服拉取放回各賊攜贓同至閆孟資家次日將贓當賣俵券並留錢二百文給與王三妮而散當據事主報官緝獲各犯起獲原贓詎閆孟資於乾隆十七年二月十四日遁至鉅野縣李家集地方病故譚二亦於十四日患病至十五日在鉅野縣監病故研訊郭二供認前情不諱正在敘詳轉解間郭二亦于三月初七日在司監病故查此案審據郭二等堅稱委係災後扒搶並非預謀強劫亦無窩家暨搶劫別案并同居父兄伯叔與弟知情分贓各情事贓經主認確賊無疑查乾隆十二年該縣被災頗重郭二等均係事主附近居民平素均未爲匪祇因災青之餘迫于饑寒無知悞犯所搶雖無糧食起意實係扒糧自應照依搶奪科斷但郭二譚二閆孟資均已病故應毋庸議王三妮雖未造意亦不同行但係此案線賊又於事後受錢應照搶奪爲從律杖九十徒二年半至配所折責三十板照例刺字不准援減等因前來查該撫旣稱此案郭二譚二閆孟資均已病故應毋庸議王三妮應如該撫所擬完結可也乾隆十七年六月東省准咨

搶案不勘情形議處
吏部爲情迫報究事該臣等議得川督策 疏稱合州鄒隆林等被賊搶奪銀錢受傷一案此案應於乾隆十六年十二月十九日被搶之日起限除去封印日期扣至十七年五月十九日疎防限滿搶犯未獲所有專管捕官係合州吏目鄧作燧印官係前署合州事慶符縣知縣沈繩祖兼轄官係重慶府通判李青雲統轄官係川東道積

未獲所有專管捕官係合州吏目鄧作燧印官係前署合州事慶符縣知縣沈繩祖兼轄官係重慶府通判李青雲統轄官係川東道積

行再查此案違例不親詣查勘亦係前署合州事慶符縣知縣沈繩祖相應聲明統聽部議等因前來查此案該署州沈繩祖既經相驗公出例應親往驗勘乃並未前往卽行通報殊屬不合除此案疎防各官臣卽另行查議外應將不親詣查勘之前署合州事慶符縣知縣沈繩祖照例革職候

命下臣部遵奉施行奉

旨依議應將不親詣查勘被搶情形議以革職之沈繩祖着該督出具考語送部引 見再降

諭旨乾隆十七年八月邸抄

夤夜持棍塗面明火毆主搜劫照饒民扒搶問擬

刑部爲泗州鄉村被盜事據安撫張 咨稱泗州馬文道等扒搶楊起鸞家糧食一案緣泗州地方于乾隆十五年被水成災又值十六

年二月內陰雨連綿馬文道以饑餓難堪於二月十六日向堂弟馬文仲借米詎馬文仲家亦無米適宋尚倫在馬文仲家閒談馬文仲出外賒酒并邀李珩到家共飲馬文道言及乏食起意扒搶楊起鸞家糧食隨有馬藻同馬文言踵至馬文道言及俱各允從待至更餘各用鍋灰塗面并帶打狗小木棍馬文言尋取口袋繩索并帶火煤一共六人齊抵事主門首宋尚倫推開大門馬藻在外看人餘俱進內馬文言李珩在於院內宋尚倫又開堂屋門同馬文道馬文仲進入事主東房用火照亮尋取糧食楊起鸞同妻驚醒欲喊馬文道恐驚人捕獲卽將事主捺住宋尚倫用繩捆縛事主妻手又復捆事主手足事主喊叫馬文道旋用小木棍毆其右肱膊嚇令息聲因東房無糧馬文道馬文仲宋尚倫三人又往西房事主之妻亦卽隨至西房聲喊宋尚倫并繩捆其腿嚇令禁聲各犯尋獲糧食卽用口袋三

例案續增 卷二十一
條裝盛并順取衣物而出李珩在外亦攜取雞鴨同各犯肩回馬文仲家宋尚倫主分各得雜糧三斗餘糧二斗雞鴨煮食并將衣服當錢均分各取衣服多寡不同而散事主報州驗訊緝獲各犯查明逸盜馬藻已故現犯屢審供認不諱賊經主認確賊無疑嚴詰至再堅供實係被灾饒不得食希圖延活至塗面持棍恐被事主認識及防禦犬隻而捆縛事主實係恐其聲喊嚇令禁聲並非強劫查大學士鄂等奏准失業愚民扒搶得財無幾照搶奪律分別問擬又於乾隆五年部覆東撫朱議奏報灾饒民搶奪與強盜案件不同務須核實查辦各等因今此案馬文道等委係被灾饒民搶奪得財無幾實與強盜有間馬文道係起意爲首又與逸犯宋尚倫攜帶繩棍捆毆事主除宋尚倫緝獲另擬外馬文道合依搶奪傷人非金刃傷又傷輕平復者照竊盜拒捕爲首例發邊衛充軍僉妻發遣照例刺字折

責安置馬文仲合依爲從例杖一百徒三年馬文言李珩合依搶奪爲從木律杖九十徒二年半均刺字發配馬藻有父馬謙六不能禁子爲竊照例笞四十革去鄉約馬文仲馬文言係同居兄弟知情分贓已於扒搶從重問擬免其重科無同居伯叔父兄與弟各犯牌甲等亦無知情容隱均毋庸議獲贓給主未獲各贓照例追賠逸犯宋尚倫緝獲另結等因本部查從前議定扒搶之案必須實係報灾饒民搶奪延命且得財無幾與強盜案件不同故照搶奪律問擬已足蔽辜今此案馬文道等六人夤夜持棍塗面用火照亮將事主楊起鸞捆縛復用棍毆打搜劫衣物米豆而出各該犯等實係扒搶饒民何至畏人認識均行塗面並將事主之妻兩次捆縛核其情形顯係強劫與被灾饒民得財無幾者迥異今該撫將該犯等照扒搶例論情罪殊未允當事關盜劫重案未便輕縱應令該撫查照原奏詳審

核實按照律例妥議到日再議等因去後今據安撫張 咨稱訊之
各犯僉供委係年荒無度起意糾約扒搶悉與原招無異查馬文道
等夤夜持棍塗面明火照亮捆毆事主搜劫賊物誠如部駁似係強
劫但該犯等住居泗州之豆家冲該處於乾隆十五年被水成災現
有冊報據又值次年春雨連綿以致饑不得食自屬寔情隨詰其扒
搶因何塗面持棍咸稱與事主楊起鸞共里而居恐其認識指告并
慮犬隻利害故爾帶棍防禦而其捆毆事主夫婦亦恐喊人救援遂
不得不如此嚇禁並非搜逼銀錢至於黑夜扒糧自須明火照視其
餘衣被物件又係順便攜取委無強劫情事查乾隆十年十月刑部
議覆前院魏谷稱阜陽縣余連等扒搶錢禮家之後又扒搶劉起鳳
一案因係被災饑民夤夜扒搶糧食同夥其有九人追見事主奔外
喊救亦經捆毆并亦點火搜賊順取錢衣臨行尚持槍杆等械蒙咨
准部覆照搶奪律定擬完結在案此案同夥僅止六人且未持有鎗
杆等項兇器又止扒搶一案較之余連等連次扒搶之案情罪更輕
除李珩在監病故不議外馬文道馬文仲馬文言應請仍照原議分
別遣戍城口並均刺字似無枉縱逸犯宋尚倫飭緝獲日另結李珩
在監病故所有監斃徒犯一名之管獄官職名係泗州吏目唐孫華
相應開報等因前來據此馬文道等均應如該撫議擬完結仍令照
例彙題至議處文職事隸吏部應將原咨送吏部議可也乾隆十七
年十一月准咨

搶奪傷人以主使之入為分別問擬

刑部為白口誘騙搶奪事據浙撫雅 咨稱臨安縣袁大順等搶奪
朱貴福銀兩毆傷一案袁大順與兄袁大魁籍隸新城乏食求乞乾
隆十七年二月十四日乞至餘邑地方日晚時候將攜帶單被一床

赴飯店押飯適朱貴福亦赴該店投宿彼此問及爾等孰知朱貴福有銀買米隨即同宿一舖袁大魁與朱貴福一頭袁大順睡於脚後袁大魁乘朱貴福睡後伸手捻其兜肚意圖竊銀朱貴福醒覺未敢竊取次早仍同吃飯袁大順等因無飯錢欲向朱貴福借貸隨詭稱有叔在臨安開張米店彼處糶米其價較賤朱貴福應允當即借給錢四十二文償還飯錢一同出門袁大順旋向兄問朱貴福帶銀屬寔即起意中途謀騙又因朱貴福取銀在餘買米未成不復收入兜肚銅錢一十九文安放袋內裝入藍担挑走袁大順眼見行至臨安陳公共井地方袁大順騙稱小路近便將朱貴福藍担接過代挑奔入後塢山內袁大魁跟同前行朱貴福隨後追趕袁大順棄担取袋欲走朱貴福扭住袁大順欲圖脫身隨在地拾取柴棍一根遞與袁大魁大魁即毆打朱貴福左肩一下朱貴福手鬆袁大順跑脫朱貴福

喊叫尾追當被唐九儀等協同拿獲解縣審擬其起意商謀搶奪毆傷情由已據該二犯供明不諱查例載搶奪傷人若傷非金刃又傷輕平復者照竊盜拒捕例爲首者發邊衛充軍爲從者杖一百徒三年其搶奪竊盜殺傷之案以下手傷人者爲首在場助力者爲從等語原因搶奪事起倉猝並無主使喝令者而言若有主使喝令之人自應以主使之人爲首此案袁大順初則起意搶奪繼復拾取柴棍遞與袁大魁毆打其爲起意主使無疑袁大順合依白晝搶奪傷非金刃又傷輕平復爲首發邊衛充軍例應發邊衛充軍到配所折責四十板訊無妻室單身發遣袁大魁合依爲從例杖一百徒三年到配所折責四十板仍照律刺搶奪二字其所搶朱貴福銀錢藍袋等物先經領回毋庸置議袁大順所借朱貴福錢四十二文應於該犯等名下追出移解新邑給主收領已起袁大順等麻布小長袋二隻

碗二隻草鞋一雙布鞋一雙仍行給還再各犯並無同居親屬知情分贓亦無另搶別案毋庸議等因抄招咨達前來據此袁大順等應如該撫所擬完結仍照例彙題可也乾隆十八年七月二十七日准咨

駭衆謀搶糧食夤夜入室網縛事主仍照搶奪問擬

刑部爲報狀事據晉撫胡 咨稱平陸縣承審來小女等搶奪張大典家糧食衣飾等物一案查來小女係該縣民人遷居河南陝州孔家凹村與陝州梁小六張老八劉小四張羊羔等並澠池縣人張禮宗均係有地良民素不爲匪乾隆十七年陝州等處秋禾歉收隣境被災糧價昂貴緣來小女有妹來氏自幼童養與該縣牛心頭村張大典家爲媳素不往來乾隆十八年正月十三日來小女偕同劉小四即劉三路過牛心頭村隨往張大典家看望伊妹來氏張大典查

問劉小四來歷來小女捏稱劉三係伊表兄張大典隨一同款待來小女見妹嘴唇受傷詢係伊姑章氏教做針線不能領會用針所刺來小女懷忿而歸十八日來小女行至西河村撞遇素識之梁小六張老八各道貧難來小女觸起凌辱伊妹之嫌起意竊糧洩忿告知梁小六等均各允從張老八囑令伊姪張羊羔同往張羊羔糾往劉小四入夥劉小四轉約張宗禮同夥六人于二十日夜至劉小四家會齊梁小六張老八張宗禮來小女各攜口袋一條餘俱空手亦未帶器械從兵橋渡河行至中途慮及不慣行竊倘被事主知覺不能得糧來小女復起意搶奪衆各允從二更時候同至事主門首梁小六六揭開攔門棗茨同進院中張宗禮張羊羔站立北窰門首來小女站立南窰門首梁小六張老八劉小四搖落事主中窰門一扇方始入窰事主張大典驚覺下坑執持頂門木叉撲打梁小六被梁小六

接住連人推出門外恐其再毆按倒在地捉住兩手令張老八解下
花車之繩向前縛住劉小四取事主院內所放乾草一箇點火照亮
梁小六張老八劉小四三人進窰在磁缸內搜取麥子莞豆裝入口
袋因糧食無多復取核桃衣服等物而出梁小六仍扶事主進窰又
與劉小四擦開窰門同來小女入內來氏驚覺不敢聲揚梁小六等
摸取銀冠布被一同奔逸將賍攜至梁小六家依分而散來氏於各
犯出門時月光下窺有伊兄來小女並劉二在內告知張大典報明
該縣驗明情形陸續緝獲各犯起獲賍物到案訊據該犯將起意竊
糧中途商謀搶奪及同事主撲打是以拉出窰外縛住兩手各情由
供認不諱恐有臨時行強情弊嚴加究詰各犯初因收成歉薄商謀
竊糧是以各帶口袋後因糧食無多復行攫取衣飾並未帶有器械
油捻等項亦無竊劫別案情事矢口不移竊思同夥六人如果有意
行強自必各持器械斷無僅攜口袋之理且因事主毆打方行縛手
搶取其爲中途商謀搶奪而非強劫無疑查律載搶奪人財物者杖
一百徒三年爲從各減一等又定例搶奪傷人傷非金亦又傷輕平
復者發邊衛充軍爲從杖一百徒三年其搶奪殺傷之案以下手傷
人爲首在場助力者爲從其不會助力者仍照搶奪本律首從論各
等語今搶奪張大典家糧食雖係來小女中途起意而臨時按倒事
主又令張老八縛住兩手致傷事主手腕則是梁小六所爲若將該
犯仍照搶奪本律擬徒未足蔽辜梁小六應照搶奪傷人傷非金亦
又傷輕平復者發邊衛充軍例應發邊衛充軍至配所杖一百折責
四十板查明妻氏發遣張老八合依搶奪傷人爲從例杖一百徒三
年照例刺面來小女中途起意搶奪並未傷主應照仍搶奪本律爲
首者杖一百徒三年再查各例內開犯罪未發而自首者免其罪猶

徵正贓又稱若于法得相容隱者爲首聽如罪人自首法註云得相容隱謂同居及大功以上親皆與罪人自首同得免罪各等語今來氏係來小女胞妹服屬期親卽從幼給與張大典爲媳降服亦係大功來小女搶奪之案伊胞妹來氏告知張大典據寔稟縣與自首無異應照例免其治罪並免刺字劉小四張宗禮張羊羔聽從搶奪並未幫同捆主合依搶奪人財物杖一百徒三年爲從減一等律杖九十徒二年半至配所折責三十五板均照例刺搶奪二字訊據各犯並無同居父兄伯叔知情分贓應毋庸議已獲之贓給主未獲之贓于各犯名下追賠各犯行竊口袋變價入官各犯之該管鄉保牌甲關查均不知情應毋庸議此案前因犯供不明是以開送疎防職名請叅案犯全獲雖無議處今審明寔係搶奪據寔改正請免置議等因前來查律載法得相容隱親屬爲之首乃指到官首告而言今來

小女起意夥同梁小六搶奪張大典家衣糧等物雖係來小女之妹來氏窺見告知伊翁張大典呈報到官但來小女所搶糧物等物卽係伊妹家之物與親屬首告免罪之律不符况來小女係起意搶奪之犯同案之梁小六等俱擬以遣徒獨該犯脫然事外于情于法均屬不合應令該撫將來小女仍照律定驛充徒其梁小六等均應如該撫所議完結仍令該撫照例彙題可也等因乾隆十九年三月初二日晉省准咨于六月二十四日轉咨浙省

因索討賭錢搬搶財物照搶奪律量減一等

刑部爲黃夜捆劫等事據浙撫雅 咨稱龍游縣性靈菴僧人靜修捏報盜劫旋卽自首一案緣有江山縣民楊奇常在龍邑販賣小猪借菴歇宿與靜修熟識靜修好賭跌錢于乾隆十六年四月間與楊奇跌賭一次至十一月二十七日楊奇又與在逃之張裕遠同至菴

內借宿與靜修三人跌錢楊奇贏得靜修錢四十五文至十二月十七日有習業剃頭之楊老四張裕達并習畫生理之陸獻章彼此言及跌錢張裕達即聲稱靜修好賭商同往跌十九日楊老四攜錢八百文張裕達陸獻章俱係空身自蘭赴龍行至湖鎮地方張裕達向楊老四取錢三十文買糕致送靜修是日到菴時已昏暮靜修留進夜飯次早三人在殿跌錢靜修赴看張裕達招引同跌靜修即持現錢二百文入場賭輸又向楊老四借錢三百五十文作銀五錢輸去輾轉借賭結欠楊老四銀一兩二錢欠陸獻章錢一千五百文三人在大殿歇宿至五更時候楊老四令張裕達喚起靜修索討前欠靜修以局賭爲嗣意欲圖賴張裕達因其出言不善起意取物作抵靜修爭阻張裕達掌披其嘴推入廚房關閉在內遂將僧房衣物搬取裝籠并將菴門關閉挑籠而去靜修菴隣葉起明次早赴菴靜修令

伊開門走出赴房查看失去衣物當央葉起明往邀地保陳念七商謀呈控靜修欲諱賭博陳念七主令報盜併令葉起明爲証教捏摺溥情由赴縣呈報經泰令周芬佩訊詳緝究靜修情虛埋怨陳念七陳念七復代寫首詞呈明是稿非強周泰令拿獲楊奇到案究出張裕達姓名因未弋獲報泰疎防在案嗣因楊老四犯竊聞知緝拿自願赴質到案供出張裕達等跌錢同賭因靜修輸錢圖賴張裕達起意取物作抵將贓分作三股共當銀一兩二分連贏靜修錢二百文除去借本盤費餘錢均分續解陸獻章到案屢審供認不諱陸獻章楊老四除跌錢輕罪不議外其索討賭錢起見與平空搶奪者有間應將陸獻章比照搶奪爲從律量減一等杖八十徒二年至配所折責三十板楊老四聞拿投首應照知人欲告而自首減罪二等律應於徒二年上減二等杖六十徒一年至配所折責二十板楊奇雖未

同槍但先與靜修跌錢應照壓寶例杖一百折責四十板靜修捏報盜劫雖經自首而賭博仍未首實亦應照壓寶例杖一百折責四十板勒令還俗葉起明扶同混供應照誣佐不言實情減靜修罪二等杖八十折責三十板逸犯張裕達飭縣嚴緝獲日另結主令報盜之陳念七已經身故無庸議已起之贓先給主領未起各贓除訊係淨開外餘於各犯名下追賠楊奇贏得靜修錢四十五文又靜修輸欠楊老四銀一兩二錢輸欠陸獻章錢一十五百文均照追入官所有失察僧人靜修等賭博職名文職係龍游縣典史葉秀林另案奉革龍游縣知縣周分佩武職係龍游縣汛把總王得升相應照例列揭附叅等因抄招咨達前來據此陸獻章等均應如該撫所擬完結時逢熟審楊奇等所犯杖罪應令該撫照例減等發落至議處文武職名事隸吏部兵部應將原咨抄招揭送吏部會同兵部查議俟議結

之日仍送回本部存案可也等因乾隆十九年七月初七日准咨

與搶犯同行因被指駁拒傷仍依亦傷擬徒

刑部爲報明賊傷事該臣等會看得劉均福搶奪高正長銀物並王文舉刃傷高正長一案先據川督黃 疏稱緣乾隆十四年十一月十一日劉均福途遇陳洪易詹學賢王文舉結伴同行適高正長玉柄權在途坐歇旁有搭連裝貯烟袋等物王文舉向借烟袋記劉均福起意搶奪即乘間攫取搭連而走高正長將王文舉攔住者係夥賊王文舉圖脫情急拔刀砍傷高正長左眉王柄權追赶被劉均福持刀截傷左臂左腿劉均福背負搭連王文舉順帶烟袋分路逃散經高正長等城投場甲尾追劉均福被趕情急將搭連等物丟棄河內逃逸當將王文舉陳洪易詹學賢拿獲報州續獲劉均福屢審不諱將劉均福王文舉均擬斬監候等因具 題經臣部等衙門查劉

均福乘王文舉向高正長借烟袋吃烟起意搶奪至王柄權追趕用
刀戳傷左臂左腿應如該督所 題劉均福白依白晝搶奪傷人律
擬斬監候秋後處決照例刺字至該督 疏稱王文舉與劉均福途
遇並非夥謀搶奪因該犯向借烟袋劉均福乘間搶奪被高正長指
駁攔住圖脫情急拔刀嚇砍適傷左眉等語又稱該犯首先刀傷事
主實係互相接應將王文舉與搶奪財物亦傷事主之劉均福一例
擬斬供看不符礙難定擬事關生死未便率結應令該督再行詳審
務得實情按律定擬到日再議等因乾隆十八年十月二十四日
題二十六日奉

旨劉均福依擬應斬著監候秋後處決餘依議欽此遵欽題駁去後今據
該督黃 疏稱查王文舉向高正長借用烟袋劉均福起意搶奪王
文舉並未預謀因高正長指駁揪扭拔刀嚇砍致傷高正長眉叢事
屬聞毆委非助力強搶創將王文舉與劉均福均擬斬候誠有未協
王文舉應改依刃傷人律擬徒等因具 題前來應如該督所 題
王文舉合依刃傷人律杖八十徒二年再應將此案承審舛錯遵駁
改正之總督黃 按察使周琬不及改正之前任邛州另案革職知
州趙溫均照例免其查議可也奉

旨依議乾隆十九年七月十八日邸抄

海洋兩船共夥十一人夤夜搶奪傷人

刑部為象邑海洋被盜等事據護浙撫周 咨稱賊犯劉懷仁等在
洋搶奪象山縣事主陳會偵米石一案緣劉懷仁原籍鎮海耕種為
業乾隆十六年寧郡各屬被災歉收劉懷仁因乏食難度與弟劉懷
義隨同伊叔劉尚惠駕船前往海山掘取葺其根救饒有童元相孫
國賢朱士元附搭同往一共六人于是年十一月二十五日由鎮海

關掛號出口往懸海山掘取蕘其因被風阻停泊佛肚山守風日久
飯米食盡又有鎮民孫授正徐德才唐美中孫阿二孫矮子一共五
人亦因年荒乏食于十一月二十六日由鎮海關掛號出口至懸海
山及佛肚山掏掘蕘亦遭風泊守十二月十九日孫阿二等因飯
米已完在途覓取野食適遇劉懷仁等詢知同鄉先向劉懷仁借米
劉懷仁覆以自亦乏食無可借給遂爾各自掘取蕘覓拾魚鱉是
晚船俱以泊佛肚山邊于黃昏時適事主陳會偵等米船駛至温州
與洋面劉懷仁見而欲往借押食米充饒孫綬正等聞有米借押一
同跳過劉懷仁船內同往向借併以衣被懇押不允劉懷仁輒起意
搶取遂令劉上惠挽住事主之船自與劉懷義童元相孫國賢過船
搬米童元相因挽船不住用柴刀砍其蓬索櫓籬劉懷義攜帶匾担
扛米因被舵工阮來順爭奪隨用匾担毆其背肋一下其孫綬正船

上之孫阿二孫矮子唐美中徐德才亦過船搬搶徐德才攜帶柴棍
扛米因水手鈕維新爭奪徐德才亦用柴棍毆鈕維新右腿一下并
掌批船客周昌厚一下各犯搬搶米一十九袋併魚鯨等物開船回
至懸海山下俵分而散據事主報明營縣獲犯起贓據各犯供認前
情不諱嚴加究詰堅供實係兩船不期湊遇因饒搶米並無預謀強
劫情事矢口不移似非狡飾查乾隆五年東撫朱 陳奏請減災黎
悞犯等事一摺經大學士議覆以被災地方饒民搶奪與強盜案件
原屬不同應詳審核實毋得拘牽亦勿弛縱務得其情妥協辦理奉
硃批依議欽遵在案又查乾隆五年九月內刑部會議盱邑盜犯王永富
等行劫馬西寧家一案據安慶巡撫陳 疏稱緣舒大知事主馬西
寧家有糧食起意行劫商同梁得玉任四任六王永富共夥五人各
執鹽筐二更時分齊抵事主庄上舒大在外把風梁得玉等越牆進

院推門入室事主持扁担禦敵王永富奪過扁担打傷事主額顱又
同任四將事主之手網縛各盜搜劫贓物而去至任六家俵分而散
除舒大解審中途病故夥盜梁得玉任四任六等在監病故外將王
永富擬以斬決并聲明該犯雖未行劫別案但縛打事主法難寬宥
等因具題奉部以舒大等五人祇爲口食搶奪情節顯然事主拒
敵因而爭鬪既非的係強盜則亦不得以網縛事主論搶奪自有正
條該撫以法無可貸具題斬決似屬未協應令另行妥議具題奉

旨依議欽遵在案又乾隆十四年九月內刑部議覆定海縣賊犯朱大麻
子等在洋搶奪船戶楊美先等銀錢衣物一案照搶奪擬結奉部
允准在案今該犯等皆耕種農民素不爲匪其事犯根由實因災荒
乏食均赴海山掬掘蕒其根救饒遭風泊船佛肚山遘米糧盡絕饒
餓難忍先持衣被向佃食米不允起意搬搶實屬灾黎祇爲口食起

見並非預謀強劫與朱大麻子在洋搶奪之案情事相同除下手毆
傷水手鈕維新之徐德才併夥同搶奪之劉上惠朱士元唐美中俱
於取供後病故不議外劉懷仁起意爲首又毆傷舵工阮來順合依
搶奪傷人若傷非金亦又傷輕平復者照竊盜拒捕爲首例發遣衛
充軍應僉妻發邊衛充軍劉懷義童元相孫國賢孫綬正孫阿二孫
矮子訊未助毆均各依搶奪爲從減一等律各杖九十徒二年半仍
各照例刺字各犯訊無同居親屬知情分贓亦無窩線併竊劫別案
情事均毋庸議已起之贓給主未起之贓仍于各屬名下着屬追賠
盜船已經變解貯庫船照銷燬事主舵手阮來順鈕維新傷俱平復
合併聲明等因前來據此劉懷仁等均應如該護撫所擬完結仍照
例彙題至議處文職事隸吏部應將原冊揭送吏部議可也等因于
乾隆十九年十一月十九日浙省准咨

海洋兩船各有六七人仍問搶奪

刑部為欺孤強搶等事據浙撫周 咨稱定海縣陸裕臣凌勝宇等
在洋搶奪事主孔爾榮船內魚米銀錢等物一案緣陸裕臣原籍鎮
洋買得朱發順沙船一隻僱胡富為舵工并水手周建金六沈素麻
張元一共六人于乾隆十五年五月初八日出口收鮮至洋面遇颶
船內食米被鹽水浸壞乏食五月十五日駛至魚腥腦洋面比有寶
山縣船戶凌勝宇祖萬章沙船一隻僱舵工王來觀水手萬大萬鳳
陸干鄧元張泰元一共七人于十五年五月初四日出口收鮮在洋
阻風乏米亦于五月十五日船至魚腥腦洋面兩船湊遇凌勝宇等
向陸裕臣船上借米陸裕臣以現在乏米回覆將午時候適有孔爾
榮水鮮船駛過凌勝宇復向告貸孔爾榮亦以乏食回覆凌勝宇見
伊船內有魚起意搶奪即令王來觀張泰元等全過船搬搶陸裕臣

船內舵工胡富見而亦即起意全周建金六等過船乘機搶魚孔爾
榮全王德興畏懼躲避艙下王來觀見張泰元等先搬其食米四斗
餘剩還五六升又搬搶其魚七十二條胡富等亦搬搶其餘六十條
餘并將衣服銀錢一并攫取各回已船而逸事主報縣詳緝續據陸
裕臣自行投首萬大聞拿投案據該縣陸續關獲各犯屢審供認不
諱嚴訊實因阻風乏米兩船湊遇各自乘機搶奪並無預謀糾夥在
洋強劫兇毆事主情事似非狡飾查例載人多而有兇器為強劫人
少而無兇器為搶奪又例載在白晝為搶奪各等語又查乾隆十四
年九月內刑部議覆定海縣賊犯朱大麻子等在洋搶奪船戶楊美
先等銀錢衣物一案照搶奪擬結奉部允准在案是案陸裕臣與凌
勝宇兩船雖各有六七人不等並無器械目因出洋收鮮阻風乏食
見孔爾榮船內有魚先後過船搬搶乘機攫取衣服銀錢事在白晝

寔非商謀強劫與朱大麻子搶奪之案情事相同自應照搶奪問擬除起意爲首之胡富慶勝宇并夥犯沈素麻張泰元均已病故不議外陸裕臣周建金六王來觀鄧元陸于萬鳳萬大均係爲從應各照白晝搶奪財物杖一百徒三年律減一等杖九十徒二年半刺字萬大係聞拿投首應照律減二等杖七十徒一年半免刺陸裕臣係白行投首應行免罪但不將所搶銀錢衣物據是首明不寔不盡之罪計贓二十八兩零應照竊盜贓二十兩杖八十免刺遞回原籍追贓發配折責發落陸裕臣名下沙船追變入官凌勝宇沙船係萬章租賃免其追變逸犯張元緝獲另結朱發順萬章訊不知情均請免議萬大萬鳳陸于俱供母老丁单是否實情查確另詳所有監斃應擬徒罪凌勝宇沈素麻二名之定海縣典史宴朝勲職名相應開列附泰等因抄招咨達前來據此陸裕臣等均應如該撫所擬完結至議

處文職事隸吏部應將原咨抄招揭送吏部議可也乾隆二十一年三月十九日准咨

竊盜

滿貫竊盜贓犯尚未全獲不得止憑事主失單定擬駁

刑部爲稟報事該臣等議得周華庠家被竊獲犯沈大早等一案據陞任安撫魏 疏稱沈大早素知周華庠家道殷實乾隆九年十二月二十四日因度歲無資起意偷竊商同伍福朱維傑楊福來俱各允從適有楊雲開以無米過歲向沈大早乞借沈大早令其挑籬同往卽于是夜同至周華庠屋側令楊福來楊雲開站立圩埂等候朱維傑用鐵鑿撬事主後門扳門推開沈大早伍福朱維傑入內先至廚房竊出魚肉雞鴨鵝隻復進內房偷出衣服首飾銅錫器皿夥同挑至楊福來家當將魚肉雞鴨鵝隻依分并給楊雲開衣服一件及

錫茶酒壺餘贓俱存楊福來家嗣經楊福來當得錢文沈大早分得錢三千文縞纓一頂尚存餘贓約俟當銀再分茲據緝獲沈大早屢審不諱將沈大早依竊盜贓一百二十兩以上律擬絞監候楊雲開擬流伍福等獲日另結等因具題前來查盜賊以贓物為証定案以供詞為據至估贓尤必須訊明案犯所得之贓起出按照估計始無枉縱如贓物花費無存但有贓經主認定例即得定案然亦必須花費無存之贓訊有案犯自認件數供詞與事主開報失單相符計贓治罪方成信案今此案事主開報失物一百四十餘件據承審官估贓值銀一百二十三兩現獲沈大早楊雲開二犯止認分得三十餘件其餘贓物據沈大早供稱係楊福來收存俟當了再分後被捉獲想是他們拿了逃走了只求拿獲楊福來等到案就有着落等語是其餘贓物雖交存在逃之楊福來而楊福來所存之贓果否尚有一百餘件是否與失單相符承審各官並未訊有現犯承認供詞止憑事主開報失單估計定案難成信讞且同一物件新舊不同價值即相懸絕此案已起有贓衣二十餘件並不按贓估計俱概憑失單開報價值其中恐有估報不實之處計贓入罪之案估報自宜詳慎况沈大早等原為度歲無資起意行竊既經得贓自必速為變賣何以九年十二月內所竊之贓直至次年四月尚未分用其所供為楊福來拿了逃走之語亦不無畏刑混供情事事關竊贓滿貫罪擬絞百未便以贓無確據夥犯又未緝獲止據事主一面開報之單即為定案應令該撫選差幹役勒限嚴緝楊福來等到案質審明確妥擬具題到日再議可也奉

旨依議乾隆十一年十一月卅抄

棄贓被獲情急拒捕錯擬臨時拒捕駁

刑部爲稟報事該臣等會議得賊犯江全元行竊洪輝吉店拒傷洪尚等一案據陞任安撫魏疏稱緣江全元籍隸歙縣在蘇州販賣水菓折本回家乾隆十一年三月二十七日至涇縣地方見洪輝吉屋後墻脚砌磚剝落數塊江全元因盤費用盡起意偷竊至三更時分獨自攜帶稍馬等物潛至事主屋後墻邊挖洞入室竊取錢文欲出事主次子洪尚驚起趕至房門口抱住江全元江全元棄賊急欲脫身洪尚扭結不放斜跌肉橈之上江全元適于肉橈摸有小斧順手提起掠傷洪尚左太陽左肱右小指左膝等處洪尚喊救事主長子洪益隨持扁担趕來打傷江全元額顱右臙肱江全元舉斧架格又格傷洪益右胎膊右肋比經隣人法明聞聲赴援幫全拿獲報縣屢審不諱將江全元擬斬監候刺字等因具題前來查律載竊盜臨時拒捕傷人者斬監候又律載竊盜事主知覺棄財逃走事

主追逐因而拒捕者自依罪人拒捕律科斷罪人拒捕折傷以上者絞監候各等語蓋臨時拒捕者事主知覺不卽逃走挺身而鬪情爲護賊跡同行強若棄財求脫情急拒捕則又不可同論律義甚晰今江全元行竊拒捕之處據該撫招冊內開江全元供三更時分小的去到洪家店屋後挖下幾塊磚鑽洞進內撥開房門進去偷了六百錢一件青布套將出房門不期事主驚醒起來把小的抱住小的就把賊物丟了兩下跌倒斜倒在肉橈上小的着了急摸着一把砍肉小斧子把事主掠傷實是想脫身情急黑暗地裏劃傷了他們並不敢有意砍傷他們等語如該犯將賊丟棄再三不能掙脫因而拒捕此係棄財想脫情急拒捕並非護賊格鬪毫無畏懼者可比自有應得罪人拒捕折傷以上擬絞監候之罪如該犯被事主抱住將賊放地輒敢用刀向砍護賊拒捕情屬可惡自應擬臨時拒捕傷人斬候

之條該撫看內既稱江全元棄財卽欲脫身又不引棄財逃走之律而引臨時拒捕例擬以斬候斷語與罪名不符供詞亦與案情未協事關斬絞出入攸關應令該撫再行詳訊確情按律妥擬具題到日再議可也奉

旨部駁甚是依議乾隆十一年十一月卽抄

冒捕巡查行竊并鎖打嚇騙擬遣

刑部爲飛檄嚴查事據浙撫方 咨稱張三卽張文標冒捕行竊騙帶任二吳二一案緣張三籍隸江南剃頭生理于乾隆十一年六月內潛至嘉郡思欲冒捕巡查嚇騙因與乍浦理事廳皂役鐘五保孰識遂詐稱鍾五保夥伴備買巡查燈籠雇覓王老老之船夥同王三蔣兆榮隨路肆竊周志德等及不識姓名人零星物件當買各事主以失物無多未經報竊是月張三見有乞丐任二睡臥嘉邑春波橋

廊下嚇騙下舟跟隨月餘任二逃走張三于七月內復至春波橋見吃丐吳二亦以巡查爲名騙誘至船十有餘日吳二亦卽他往王三先因任二等被誘時慮人盤詰欲于乍浦地方出賣張三不從意欲帶往蘇州賣銀王三蔣兆榮卽與爭鬧各散至十月初一日張三途遇任二當卽喚住傾交伊母吳氏捏稱任二曾竊鉄鏈等物勒令賠錢吳氏以任二逃出爲丐兼又無力賠償不允收留張三復令任二寄頓三官堂內於初八日向雇聞杏山船隻將任二鎖載郡城湊遇吳二并鎖在船因詢知吳二逃後在杉青閘敵樓與乞丐嘉善男卽沈四同往求乞卽於是夜舟至敵樓尋覓嘉善男撕打當有汛兵聞聲拿獲已據該犯供明前情不諱張三卽文標除行竊騙留任二等在船囚圖賣並非藥術迷拐各輕罪不議如其冒捕巡查鎖打嚇騙律無正條應比照兇惡棍徒生事行兇無故擾害良人者發寧古塔

烏喇地方分別當差爲奴仍照名例內改發雲貴川廣烟瘴少輕地方交與地方官嚴行管束仍盡本法照竊盜初犯刺臂追贓分別給主入官訊無妄室單身發遣廳皂鍾五保訊不知情任二被騙之時年止十四吳二與船戶聞杏山俱經病故均毋庸議任二仍給伊兄任隆山領回逸犯王三蔣兆榮王老老緝獲另結再此案承審分限遲延係秀水縣叅革知縣朱輝璘等職名相應列揭咨叅等因抄摺前來據此張三應如該撫所擬完結仍照例彙題逸犯王三蔣兆榮王老老應令該撫緝獲另結至議處文職事隸吏部應將原冊揭咨送吏部議核俟議結之日送回本部存案可也乾隆十一年十一月二十六日准咨

竊爲據赦前犯案免併算

刑部賊 稟詳報事會看得竊盜唐寶等行竊長洲縣事主郭載盛

一案據署理蘇撫安疏稱緣唐寶先于乾隆九年行竊長洲事主蘇聖瑞家杖責刺臂又于乾隆元年行竊元知縣事主丁瀾餘家審擬刺面與兵頭張福管束詎唐寶賤知事主郭載寧家收有布疋起意行竊糾同陳綬沈元來興卽孫誘如阿二同夥五人于乾隆十一年三月初六日坐船搖至事主後門河邊停泊陳授用鑿挖開後門同唐寶進內竊出白布一十八細并零星衣物沈元來興與阿二接遞下船次日將贓俵分而散事主報縣緝拿弋獲各犯起出原贓屢審供認不諱查此案竊贓估銀一百十五兩零唐寶面經兩次刺字今屬三犯應依律擬絞監後陳授沈元來興擬徒阿二緝獲另結等因具題前來據此應如該署撫所題唐寶合依竊盜三犯贓至五十兩以上擬絞監候例擬絞監候秋後處決該署撫旣稱陳授先于乾隆元年行竊元和縣事主沈上林案內審擬杖刺事在乾隆二年四

月十六日

恩赦以前例免併算又于乾隆十年行竊江都縣事主僧人江平案內審擬杖刺又于乾隆十年三月初四日行竊長洲縣事主馬公平一案在行竊到案之先獲審未據供認此案先經折責應照一罪先發餘罪後發重者更論定擬陳授沈元來興均合依竊盜贓一百一十兩爲從減一等律杖一百徒三年陳授已經責過四十板到配免其折責仍照例刺字查來興亦于行竊馬公平案內有名罪止擬杖唐寶又于行竊元和縣事三陳心逸案內有名罪止擬軍均應于此案歸結牌頭保甲訊非知情容隱應予免議管束唐寶之兵頭張玉失于查察合依不應輕律笞四十時逢執審照例寬免各犯訊無同居親屬知情分贓均毋庸議逸犯阿二緝獲日另結已起之贓給主收領未起之贓照例追賠已起賊船一隻照例變價入官等語均應如該

撫所題完結乾隆十二年七月二十四日 題二十八日奉

日依議

竊盜奔逸追逐拒傷事主逾辜限身死擬絞駁

刑部爲傷發斃命事該臣等會議得蔡親駱同蔡復偷牛因追逐拒捕致傷事主林御身死一案據福撫潘 疏稱緣蔡親族姪蔡復貧無聊賴于乾隆十二年三月二十八日窺見林御家有牛隻起意糾約蔡親同往偷竊蔡親應允蔡復攜帶木柄鐵筆蔡親攜帶竹稍三更時分同至事主門首蔡復令蔡親在外等候伊踰牆進內偷牽黃牛一隻甫出門口被事主之兄林丕驚覺喊同林御追拿蔡復棄牛與蔡親一同奔走迨至溪邊蔡親先被林御趕上毆其脊背蔡親情急將隨帶竹稍戳傷林御右脇蔡復轉身幫助被林丕扭住不放亦以所帶鐵筆木柄毆傷林丕頂心并偏左脇肚蔡親乘間奔逸蔡復

被林御之父林宗趕獲解縣控驗續獲蔡親到案訊認前情林不傷
輕平復林御醫治不痊延至五月二十六日斃命屢審不諱查蔡親
已于蔡復棄牛奔逸因事主追逐拒捕以竹稍截傷林御右脇傷非
金刃因調理不慎越五十八日身死又逾辜限之外若止照罪人捕
拒傷人間擲不足蔽辜如照拒捕殺人擬斬似與當時致死者無所
分別查乾隆九年刑部覆護廣撫臣託 題竊賊盧華標因追逐拒
捕用門門致傷事主孫述聰臍孫述聰年老中風身死將盧華標
比照拒捕傷人至折傷以上律擬絞在案今蔡親拒傷事主限外身
死與被毆中風而死者情罪相等將蔡親比照罪人毆所捕人至折
傷以上例擬絞監候并遵例聲明恭候

欽定蔡復擬流俱刺字等因具 題前來查律載竊盜棄財逃走事主追
逐因而拒捕者自依罪人拒捕律科斷毆人至折傷以上者絞監候

殺人者斬監候等語今竊盜蔡親因用竹稍截傷事主林御右脇越
五十八日身死雖辜限以逾與當時致死者稍覺有間但事主林御
究屬因傷身死今將蔡親擬絞首殊未允協且所引盧華標拒捕
致傷事主係中風而死與此案之因傷身死者迥不相同難以援擬
應令該撫詳加確核妥擬具 題到日再議可也奉

旨依議乾隆十二年十月卅抄

失察徒犯行竊兼管官議處

刑部為慘竊逾貫事本部會同吏部院寺會看得賊犯周彥臣等行
竊烏程縣事主劉友恭店布一案據浙撫方具 題前來再該撫
疏稱所有失察徒犯行竊之兼管官係前任叅革烏程縣知縣羅懋
及僉差不慎疎脫解犯洪朝一馮煥章之前任餘姚縣

計叅知縣李瑛相應附叅等語查定例軍流徒罪等犯如已加肘鎖多差

解後脫逃者罰俸六個月逃犯照案緝拿又定例該管知府直隸知州若軍流徒笞杖等犯中途脫逃有一二案者罰俸三個月又定例已經革職官員如有前事故到部議處題明註冊等語應將僉差不慎之餘姚縣知縣李瑛照例罰俸六個月人犯照案緝拿至烏程縣知縣羅悫于徒犯洪朝一等在外行竊該縣從前失于查察例應議處應將烏程縣知縣羅悫照失于查察罰俸一年例罰俸一年查羅悫李瑛俱經革職其俸罰之處均應照例註冊再此案僉差不慎之該管知府例有處分但事在乾隆十四年四月初九日

恩詔以前應與僉差不慎之餘姚縣革職知縣李瑛失察徒犯行竊之烏程縣革職知縣羅悫罰俸之處均應免其查議等因乾隆十四年六月二十一日題二十三日奉

旨周彥臣依擬應絞著監候秋後處決餘依議

竊盜被事主追逐亦傷事主雖經平復仍擬絞候

刑部為竊賊傷人事本部會同院寺會看得諸暨縣賊犯許永尚拒傷事主樓忠潮一案據陞任浙撫方 疏稱緣許永尚貧難度日起意行竊糾夥許茂公攜帶賊具出門于乾隆十二年九月二十八日夜行竊事主俞仲家稻穀衣物二十九日將稻穀變賣餘賍攜至伊甥陳茂學家寄頓歇宿三十日夜許永尚與許茂公潛至事主樓卜相門首見門未關閉許永尚令許茂公在外看人獨自挨身進內因事王家有燈亮未及竊賊回身欲出適樓卜相之姪樓忠潮在田看稻而歸許永尚走避不及閃入門後樓忠潮看見喝問不應知係賊匪即行捕捉許永尚情極將所攜鐵鑿打傷樓忠潮額顛鐵鑿脫柄棹地許尚永逃出門外樓忠潮追逐將許永尚擒住箠倒在地許永尚急圖脫身取出襪內所藏小刀戳傷樓忠潮額門樓忠潮鬆手許

永尚起身逃遁北許茂公當聞樓忠潮喝問先已奔逸事主報縣緝獲各犯屢審供認不諱除許茂公病故並許永尚行竊陳經五等家輕罪均不議外查事主樓忠朝傷痕已經平復將許永尚依例擬絞監候等因具題前來據此應如該撫所題許永尚合依竊盜逃走事主追逐逞兇執持金刃戳傷事主者照罪人毆所捕人至折傷以上絞例應擬絞監候秋後處決等因乾隆十四年九月十二日題十五日奉

旨許永尚依擬應絞着監候秋後處決餘依議

赦前犯竊刺字後至三犯將赦前之案并算

刑部爲黑夜被竊事議得蘇撫雅疏稱緣李九與王四均屬竊匪素相熟識李九先於乾隆八年二月內行竊山邑事主魏正高一案審擬杖徒刺字發交比陵驛擺站九年三月逃回復竊山邑事主張

弼臣王景顯場與同等三案獲審杖刺仍發原配恭逢乾隆十一年

正月初三日

恩旨釋回求乞度日王四于乾隆十一年四月初三日偷竊山邑沈原一案經縣獲審枷責刺字乾隆十二年六月二十七日李九在清江浦地方途遇王四及言貧苦難度王四知陳序五烟店殷寔起意行竊李九允從是夜潛至事主門首王四在外接贓李九撥下店門入室竊出銀錢衣物用被囊包貯運赴柳園藏匿伺至天明王四檢衣十三件往清河縣南小典內當錢一千四百文而回二十九日復商往清邑變贓因駮重難攜僱覓乞丐王二分負行至河口張家庄李九與王四欲唱淫詞時有清邑捕役張有與村隣男婦在外乘涼聞而噴逐李九等棄贓奔逸王二在後被獲留下行李將王二放去張有卽邀同舊捕孫美至家告知其事王二奔告李九央懇鄭起龍李起

等同往取討張有不允鄭起龍等俱各散去孫美見李九等面有刺字細加盤詰李九等以實相告當卽鎖起被獲銀兩同贓衣一併均分次日張有將李九等釋放李九等懇給盤費錢文一同奔逸事主報縣差緝旋獲李九王四清邑捕役張有聞知亦持銀衣交差呈繳并據前署清河縣趙師質訪拿移解訊詳節經供認不諱贓經主認正賊無疑此案估贓五十一兩零將李九照例擬絞監後王四等擬徒等因具題前來應如該署撫所題李九合依竊盜三犯贓至五十兩以上擬絞監候例應擬絞監候秋後處決王四合依竊盜贓五十兩杖六十徒一年例應杖六十徒一年均照例刺字該署撫既稱捕役張有孫美得贓私縱均合依受財故縱與囚同罪律各杖六十徒一年孫美年逾七十照例收贖李九等訊無同居親屬知情分贓及保甲容隱情事應毋庸議鄭起龍李起訊不知情均先省釋王二等并非夥黨不知竊贓應免緝究已起之贓先經主領未起各贓及當本照例追賠等語查王四等徒罪事犯在乾隆十四年四月初九日恩詔以前均應減爲杖一百折責四十板王四免其刺字孫美杖罪仍照律收贖餘均應如該撫所題完結等因乾隆十四年九月二十三日題二十四日奉

旨李九應擬絞著監候秋後處決餘依議

積匪配所逃回行竊拒捕發黑龍江

刑部爲奏聞事議覆福撫潘具奏等因前來查林篤篤劉則奇朱貴原均係積匪猾賊照例充軍之犯乃該犯等怙惡不悛復于配所逃回肆竊無忌及經官兵緝拿輒敢持械逞兇拒捕傷人藐法殊甚此等兇徒若僅照定例發回原配擬加徒役勢必仍不安分貽害地方寔非所以妥善而懲惡今據該撫已經奏明將林篤篤等三犯

俱永遠枷號應如該撫所擬將林篤篤劉則奇朱貴俱永遠枷號省城示衆再該撫奏稱薛能吉薛能容雖訊止初次犯案但夥同逃軍駕船沿海肆竊不便寬縱應各照積匪猾賊例發邊衛充軍至薛能振一犯雖會夥同爲匪但該犯已經自行投首併領拘逃軍林篤篤獲解應免罪予以自新仍交保管束劉楚楚係劉則奇之子雖未同行竊但出船坐地分贓應比照竊盜窩家之同居兄弟知情分贓照竊盜爲從減一等杖一百徒三年查薛能吉薛能容雖事犯在乾隆十四年四月初九日

恩詔以前但係積匪情罪較重不准援減劉楚楚之徒罪應減爲杖一百至行竊各贓查無事主出認應追入官等語均應如該撫所擬元結其在逃未獲之薛朋朋劉則道劉良協仍令該撫嚴緝獲日另結等因乾隆十四年十月初六日奏而奉

諭旨林篤篤劉則奇朱貴著解京發遣黑龍江給與披甲人爲奴餘依議

竊盜拒捕金刃傷人雖傷輕平復仍擬斬候

刑部爲報明事本部會同吏部院寺會看得象山縣賊犯王德章行竊拒捕毆傷事主余繼華一案先據陞任浙江巡撫方 咨稱緣王德章于乾隆十二年十一月十九日從事主余繼華家經過見房屋寬大起意行竊至窩犯翁有生家適遇向與熟識撐船之王阿大在彼糾約入夥王阿大允從王德章攜帶鐵刀鐵錐鎖匙等項于二十日夜同王阿大偕至事主後牆王德章挖洞進內王阿大在外把風王德章在于灶房先竊茶壺一把又至房內竊獲銅鏡一面遞交王阿大接受回身復竊經余繼華之弟余繼華驚覺叫喊王德章出洞告知王阿大攜贓先遁王德章拾取刀錐在後方走余繼華執持木棍已從前門攔截打傷王德章顛門偏左王德章閃避余繼華又從

下面打去王德章情急用丁氏格致傷余繼華左臙脇余繼芹起趕捉獲通知地保解縣驗傷鞠主起意糾夥行竊拒傷事一情由已據該犯供認不諱當場現獲正賊無疑查該犯雖係亦傷事主但因被毆情急用刀抵格悞傷事主臙脇傷輕平復與執持金亦逞兇拒捕者有間照竊盜拒捕傷人傷輕平復首犯擬軍刺字發遣等一抄招咨達前來臣等查例載竊盜拒捕傷人未死者斬監候若傷非金亦又傷輕平復發邊衛充軍等語蓋竊盜拒捕已屬情重若執持金亦更爲兇惡故但係金亦傷人雖所傷甚輕與並未執持金亦而毆有重傷者皆不在擬軍之限例意甚明今王德章行竊余繼華既知事主驚覺喊叫何難奔逸乃出洞告知王阿大攜賊先遁復拾取刀錐及事主攔打輒用刀戳事主臙脇顯係逞兇持刃拒捕該撫並不細釋例文遽將王德章照傷輕平復例擬軍情罪不符不便率結應令

該撫再行詳審按例妥擬具題到日再議等因咨駁去後今據署理浙江巡撫印務永疏稱王德章行竊得賊既聞事主喊叫不卽奔逸乃告知王阿大攜賊先遁復拾取刀錐雖據供因被事主攔打情急圖脫用刀抵格致傷事主臙脇但究係持刃拒捕與傷非金亦又傷輕平復發邊衛充軍之例不符應將王德章改依竊盜拒捕傷人未死例擬斬監候等因具題前來據此應如該署撫所題王德章合依竊盜拒捕傷人未死者斬監候例應擬斬監候秋後處決照例刺字等因乾隆十五年四月初十日題十二日奉

旨王德章依擬應斬着監候秋後處決

赦前犯均不計次數

刑部爲訊事據蘇撫黃咨上元縣賊犯王二卽虎行竊旗人宗本豕一案緣王二先于十二年十一月二十六日夜行竊披

甲推分一案又于乾隆十
十二月二十五日夜行竊旗人達阿

一案杖刺詎該犯不思
以于乾隆十四年四月十五日夜行

竊宗本宗切取衣帽等物事主知覺
即追拿獲解縣屢審供認不諱

查該犯兩經刺字今復行竊係屬三犯
本案計贓二兩八錢王二合

依竊盜三犯銀不及十兩錢不及十千
例杖一百流三千里仍刺字

等因抄招咨達前來查本部院辦理竊盜
案件凡在

恩詔以前者不計次數今王二在

恩詔以前行竊二次不計次數計贓在一
兩以上仍應初次科斷不應如

該署撫所擬杖九應將王二改照竊盜贓
一兩以上杖七十律杖七

十折責二十五板照例刺字餘均應如該
署撫所議完結可也乾隆

十五年五月十五日江省准咨

竊賊拒傷官兵比竊盜臨時拒捕傷而不死擬斬

